

雲南縣志卷之二

地理志 輿圖 疆域 山川 形勢 風俗

周禮地官大司徒以天下土地之圖周知九州之地域廣
輪之數而後量地制邑也班固著漢書作地理志後遂
沿以爲例縣處滇西遠在天末彈丸粒黍烏足侈陳然
我


朝鼎闢以來裁衛爲縣二百餘年山川草木胥荷
聖朝雨露寸地尺天爭思入貢上以廣
一統之治下以固封守之經則固不可忽也志地理



通志縣在大理府東南偏
京師西十五度四十四分北極
高二十五度三十二分

北

輿地



雲南縣志

卷之二

地理二 疆域 九

疆域

縣治在府東南一百六十里 舊志府志同一統志作一百四十里 東至姚州

白鹽井界一百九十五里 一統志作二百里 西至趙州界二十

五里 舊志西至水磨坪連 南至鎮南州界一百二十里

一統志南至趙州界一百里府志南至青米苗 北至賓

趙州界 舊志南至趙州五峯山四十里 東南至姚州普溯界

川州界四十里 舊志至松子哨連 西南至黃草

一百一十里 舊志東南至鎮南州黑泥箐九十里 西南

至趙州界四十五里 舊志西南至彌渡汎 西北至黃草

哨壩趙州界七十里東北至白鹽井界二百一十里 一統

圖

全

大幹五佛梁王諸山在其西北一泡禮社兩江一源二流出於其地

志作二百里舊志東北
至人投關白鹽井界 西南至彌渡趙州界三十八里
一統志西北至賓川州界四十里東西距二百二十五里
里舊志西北至毛栗坡五十里
南北距一百四十里謹按自道光十五年後無改 距

京都一萬一千二百八十五里距省七百二十五里距府城一百六十里

山川

迤西諸山發源自老君山其支派綿遠難以紀載舊志龍脈發源以五福山為主通志五福山龍自大理大幹轉至賓川州西七十里之炎涼嶺自炎涼嶺又南起為五

雲南縣志

卷之二

地理二 山川 十

福山北麓為奇石山東為白塔山其北為毛栗坡

五福山 一名烏龍山又曰烏龍壩亦曰五佛山一統志在賓川

西南三十里趙州東十五里 舊志在縣西北三十五里府志聳峻盤

疊嵯峨綿亘東南諸山皆其兒孫下有聖泉四時不涸

一統志有烏龍池積水下迸諸堰皆仰給舊志五峯聯

絡成屏上有石佛五因名五金俱產諸藥叢生縣志發

源於此

毛栗坡 在縣西北四十五里蒿子壩山場闔縣水源龍

脈所關 舊志昔年開挖金廠禾稼不登乾隆十四年

奉檄永禁開採勒石於縣解前自五福山分支西行爲趙州東之樂和山晴雲山曲別山又折西南爲趙州南三十里之赤佛山北折爲趙州南八里之獅子口山又折西南爲趙州南四十里之昆彌山在趙州西四十里明西平侯沐英更名定西嶺自定西嶺分支北行爲華藏龍秀雲臺蓮花卧麟諸山在趙州西南南度分脈爲風嶺其分幹自定西嶺正支走蒙化又南度脈起爲白崖其西爲畢鉢羅窟南行爲天目山南入蒙化境其大幹自五福山分支東出爲九鼎山

雲南縣志

卷之二

地理二

山川

七

九鼎山 在縣西北二十里山有九頂又名九鼎山九峯並峙簇若青蓮石穴崆峒盤折而上僧齋靜室如蜂房鵲巢下臨絕壑下有萬花溪卽禮社江源漣漪可濯卉草沿堤遊人四時不絕有妙勝閣華嚴閣三教閣彌陀閣碧霞菴古佛洞毘盧閣玉峯閣千花臺諸勝九峯各有名一曰禁足二曰獅吼三曰攬霞四曰招鶴五曰峨眉六曰侍仙七曰中秀八曰逸雲九曰經臺舊有塔今廢通志明時土人牧此聞空中天樂乃斬荆芟藜見一洞中有石佛因開山焉峯頂建土主廟中建樓閣先古佛

洞及三昧室中峯室洪鐘樓諸閣皆梯磴懸空凌虛飛
棧側足捫蘿松杉拂鬱憑欄窗令人神悚心動邑人楊
向春隱居於此外有碧霞洞觀音洞朝陽洞彌陀洞隱
豹洞羊毛洞或高出峯際或藏伏寺中遊人莫窮其勝
路旁建望春亭山左置新橋山右寶泉壩面山有凌虛
橋爲邑勝概自九鼎山南爲大尖山

大尖山 孤峯聳峙特異諸山脈自五福山來一支夾溪
溝南下爲鼓樓山金龍山抵溪溝河曲處而止

鼓樓山 在縣西十五里卧龍岡後中隔溪溝爲卧龍後
雲南縣志

卷之二

地理二 山川三

障

金龍山 在縣西卧龍岡後逾溪溝上三里許有泉舊有
龍宮梵宇今廢 府志翠峙溪畔南望青海如龍大幹
自五福山北東度爲梁王山帽山在其北

梁王山 在縣北三十里一名寶泉山有元時梁王行宮
遺址每掘地得琉璃瓦 明一統志蒙氏時酋長王氏
居於此蓋禮社江發源於此云

謹案府志山下石穴中有泉下流合烏龍池諸水南流
至九鼎山下茨坪村分爲三一繞縣城北爲品甸海一

繞城東爲青龍海合流爲一泡江北流入金沙江一出
山溪溝西南下白崖爲禮社江源

自

五福至梁王中隔九鼎山自九鼎北平岡北度再起

帽山 在縣北三十里與九鼎山相望上五峯望之如帽
故名 舊志向有細花碕銀廠業已封禁中出龍泉南
流爲禮社江源北流入賓川自帽山一支北出爲廻龍
山北抵蒼甸川而止

廻龍山 一名羅懸山中有僧刹甚幽奇帽山一支南出
爲探花嶺南抵品甸水而止

雲南縣志

卷之二

地理二 山川

三

探花嶺 在縣北二十里南下爲般若寺自帽山東度脈
起頂南北走其南支東南走周官步海子東又東南爲
飛鳳山又東南走青龍海子東又東至雲南驛西爲龍
興和山

飛鳳山 在縣東十五里其形似鳳南詔時建土主廟鎮
蝗塔

龍興和山 在縣東二十五里古匡州地有泉湧數孔出
每五六月間此山之龍與龍洞之龍及大波那之龍興
起羣和因而致雨折東行走小雲南驛又東走大波那

其北爲黑龍山

黑龍山 在縣東六十里大波那北下出龍泉土人建龍王廟於此折東北走爲東和山

東和山 在縣東六十里禾甸東峯頂有古寺遺址猶存中一洞上有石乳滴泉不竭亦不溢下有龍泉數派一流楚場箐一流七宣烏路者大松坪等村東和山之西爲矣摩山

矣摩山 在禾甸東山下由東和北走爲筆架山又北爲斗母閣山其西爲七喬山北抵米甸一泡江而止

雲南縣志

卷之二

地理二

山川

四

筆架山 在縣東六十里爲禾米兩川祖山

斗母閣山 在人投關昔孔道人建閣其上遺址尙存

七喬山 在禾米之間其北支北轉分支西行爲鍾英山

爲賓川州
治龍托焉分支東行爲天乙山

天乙山 在縣東北一百里上有九真峯下有五老峯太極圖諸勝自李德全棲隱名始顯焉其正支又北分支

西行爲飛鳳山入賓川境又分一支東行爲十二關長官司之楚場山乾海子歸山東抵一泡江而止

楚場山 在十二長官司西六十里

乾海子 在長官司西三十里

歸山 在長官司西峯巒聳峙為境之望一泡江在其下其正支

又北為赤石崖在賓川東北八十里又東北抵金沙江而止大幹

自梁王山南度脈當度脈為團山

團山 在縣西北十五里茨坪村前人築壩啟閉寶泉山

水灌溉田畝又南度夾溪溝南行為卧龍岡又南為青

華洞山

卧龍岡 在縣西一里為南龍大幹過峽橫亘十餘里綿

延盤踞形如卧龍邑中靈美多鍾於此

雲南縣志

卷之二

地理二 山川 五

青華洞山 在縣南八里下有洞濶可十丈山僅培塿洞

中深邃不可測懸崖滴乳形之飛動如雲煙中有石竅

上通數處 通志日月光照十餘里 明李元陽

國朝學政顧莼并有記載藝文志折東又南為水目山

水目山 在縣南四十五里一統志作二十五里中多佛刹巔有深

泉一名寶華山萬山如拱上有水目寺寶華寺普賢寺

靈官寺山之南有龍洞巨浸中涵 舊志前則平原浩

瀚雲霞之所沃蕩後則羣峯削成日月之所迴薄雕靡

曲砌下映林泉金碧璇題上凌霄漢中有八寺上有八

景昔爲普濟和尚道場明唐大來法號擔當隱居於此
又出五高僧住持爲邑名山提學吳白肅遊水目山詩
詳藝文分一支南行走龍洞西爲石蝦山在趙州白崖東十里又
南爲天橋山而盡在趙州東九十里彌渡東七里大幹又折而東爲天
華山

天華山 在縣南四十里一名南華山有石洞古祠 明

嘉靖間葺祠掘得雷斧大如扇謹案山在雲川水南下東轉比折爲南山之兜

舊志山兩峯對峙崖壁峻峭上有石龍倒掛首尾鱗爪
宛然如生人莫能近中開三洞上建三菴 明邑御史

雲南縣志 卷之二 地理二 山川 六

李素讀書於此分一支南行走龍洞東西南走天橋山

南一支西爲太平山其西南爲青螺山一名寺坡其南爲廻

龍山俱彌渡川地其正支又南爲羅屏山東爲觀音山文宸

山亦彌渡川地其正支又南爲五臺山在彌渡東南走縣境入鎮

南州界大幹自天華山東南北轉爲沐滂東嶺

沐滂東嶺 在縣東南六十里沐滂舖東又東過水盆舖

分一支北度脈起爲老青山西抵一泡江北折處北抵
普昌河會一泡江而止

老青山 在縣東南六十里山極高峻色蒼翠四時不敗

大幹自水盆舖東南行入姚州地

縣中之水惟禮社江水甚大出梁王山下龍泉分爲三派

一往彌渡蒙化楚雄元江臨安行一千四百餘里納二

大川小水無數出越南入富良江入達河

卽南盤江

一經霑

益過曲靖激江臨安廣西行一千二百里出廣西境至

廣東入南海李仙江一往定遠縣安定關過景東鎮沅

元江行一千餘里入黑江支分派別難以悉紀

六溪河 又曰答旦河其源有六一曰鍾良溪源出梁王

山東北二曰銀溪源出賓川之官坡三曰石寶溪源出

雲南縣志

卷之二

地理二 山川

七

賓川之炎涼嶺四曰寒玉溪源出賓川之魯擺山五曰

通洱溪洱水伏流出賓川之賓居大王廟下六曰赤龍

溪源出賓居之黑樹龍潭五溪並東流會爲六溪河西

源麓蕎甸會廻龍山雙箐龍泉觀音箐龍泉李節村龍

泉雄魯厓龍泉羅五阻龍泉北流至鍾英谷會谷中青

龍湫水西流合帽山北麓水西北爲六溪河東源六源

北流至賓川片角西右納竹泉水又北左納橫溪水經

六溪河東北入金沙江

一泡江 源出梁王山下石穴中湧出合螞蝗箐三眼井

五福山諸水南流至九鼎山下茨坪村團山壩分爲三
流一南流溪溝萬花溪下彌渡爲禮社江源見蒙化地一東
流經縣城南東南流青湖一名龍池又東南滙爲青龍海旁
有葉鏡湖知縣謝聖綸詩詳藝文東南會品甸王海又東北有周
官步海又東北會青龍海兩源既滙南流出板橋又東
南至雲川白塔村至段家壩流入中河經江尾村出練
渡東北會蒼禾米甸諸山水至楚場河人投關東南入
一泡江又東北會白鹽井水折西北流至鐵索箐西折
東北流入金沙江

雲南縣志

卷之二

地理二 山川 六

禮社江 源出梁王山經五福山九鼎山會青龍海下雲
川練渡至楚場流合一泡江案禮社江在元江又梁王龍泉南
流爲溪溝亦曰萬花溪卧龍岡夾其左金龍山夾其右
南流經青華洞西又南流經趙州石蝦山西左納蝦蟆
口甘泉水又西南左納菖蒲溝水

菖蒲溝 源出縣南水目山南流經天橋山出天橋西流
經彌渡城北西入大河又南流至彌渡左納鼻窗廠水
鼻窗廠水 源出縣東南水盆舖東南流姚州界又西南
流入趙州境

謹按南龍自西藏出雲嶺大幹自老均過雲縣雲嶺左
金沙右瀾滄雲縣則西岡上下百數十里間亦左流歸
金江右流禮社江主山即帽山近祖五福五福山麓東
北出小道坡透迤閃側為哨了口上白坡為帽山象形
曰帽山以其上有梁王寨大小校場行宮等古蹟則曰
梁王山繞脈行東北曰三尖山折西南出脈曰探花嶺
到壩坡結頂卸落平田起縣治之西岡此正幹也旁支
從石門坎起品甸灣到煙坡北出者為熊勒麼賓川鍾
英諸山所從分也東出者為飛鳳山到波禾兩川間為
黑龍山東和山為東山諸山抵一泡江所止而盡餘支
拖曳為蕎甸西山賓川東山至吃涼水箐而盡縣城西
岡正幹南行則歷青華洞大龍潭再起水目山水目西
南出者為彌渡青螺諸山南入鎮南界正幹東南折為
天華山轉沐滂東嶺南到水滂舖起老君殿行入鎮楚
界東行老青山入姚楚界水則出帽山東北者為賓川
六溪之答旦河會蕎川河水入金江出帽山東南者自
哨了口以下西北東諸水合流箐中至團山壩勢將下
趨溪溝前人設閘啟閉分而循東南下者匯城川諸水

雲南縣志

卷之二

地理二

山川

九

出板橋匯雲波川諸水出鍊渡為一泡江入金沙以歸
東海而禾你諸水至人投關亦合一泡江團山壩分而
從西南下者則自溪溝匯西岡以西水并匯白崖赤水
江水入彌渡河又匯水目以西水沐滂東嶺以西又匯
鹿窩諸水經蒙化景東楚鎮界總合而為禮社江源入
南海此非瀾滄而亦瀾滄內入南海之別派也而東嶺
既盡凡姚州普湖外南出北流之水仍匯一泡江合金
沙江入東海焉觀此亦可知大幹之行度矣爰附錄之

形勢

通志川原平行岡巒四塞為全省神皋 府志品甸掌平

鼎山屏列居然勝概要當預其綢繆 舊志八郡之通

衢楚姚為門戶海有千波田連萬頃昔資屯牧近賴耕

鋤安南關其咽喉孔仙橋其要害

風俗

府志山鮮斲削地多平行諺云雲南熟大理足然則邑固
沃土也民初至樸自與衛軍雜處俗用滋漓今其風漸
靡急宜還樸 舊志土曠民貧俗尙勤儉咸以耕織爲
生民無游惰士爭氣節聲音正語氣清直城鄉好義尤
多五川較質樸弗事矜華蕎和你三旬今作蕎禾米旬漢棘相
兼務簡約城鄉內外皆畏法崇文急公奉上歲暇多賈
易遠方其子弟之俊秀專意讀書志在科甲採訪咸豐
歲丁巳獬逆陷城遭蹂躪迨同治歲壬申始克復民知

雲南縣志

卷之二

地理二 風俗

辛

樸約冠婚之禮不事華靡喪祭如昔自癸酉迄癸未城
鄉患疫疾戶口彫殘有贅川民爲壻者風氣較前稍差
而男耕女紡士奮詩書尙與盛時無異又上元不張燈
中元夜閣閣競懸燈彩兒童執燈往來諺云照祖又六
月二十四五日爲星回節入夜城鄉居民各燃松燧相
耀於道村中舉火照田謂能辟蝗或云漢元封間葉榆
婦阿南其夫曼阿娜爲漢將郭世忠所殺阿南以六月
二十五日仆火死故歲以是日燃炬弔之云 舊志婚
嫁不慕勢利不厭貧寒尙門第相當年齒相若者蹇修

氏通議後聘定擇吉親迎喪禮悉知哀毀不事浮文葬
或乘凶卜吉一秉家禮 歲二月初三日

文帝誕三月二十八日

倉神誕六月二十四日

武帝誕七月初七日

魁斗星君誕八月二十七日

至聖誕兩庠新進文武均醵金以祀

各川甸昔建梵宮佛殿俗祀甚虔

寺名詳俗祀條內

兵燹後半

爲瓦礫今則漸次修葺每屆誕期附近居民咸集祈年

雲南縣志

卷之二

地理二

風俗

三

宴會不演劇視前差爲樸約每歲六月九月南北斗期
男婦率持齋朝禮經聲梵響比戶相聞雖近崇佛或亦
好善之一端也惟鄉愚入贅川民墾或游蕩不歸家或
因事致累實爲閭閻之蠹有心斯邑者此風亟宜禁之
其餘歲時伏臘與通省無異

雲南縣志地理終